

Pour maistre Michel Cheyron Prebstre Curé de Cursan demâdeur & cōplaignant, pour raison du possessoire de la dite Cure appellant cōme d'abus & intimé en cas d'appel.

Contre François Deffons defendeur à ladite complainte aussi appellant comme d'abus, & intimé.

**C**eluy Deffons ayāt achepté ladite Cure de feu sieur Daigueffat & de Ferrois & pris tiltre du feu Archeuesque de Bourdeaux le 11. Avril 1585. fait conuention avec le sieur de Ferrois auparauant son tiltre en les termes. *A esté accordé entre monsieur Daigueffat & moy : Qu'il prendra la moitié des fruiçts de la dixme de la paroisse de Cursan, & moy l'autre moitié: excepté qu'il prend toutes les pailles, hors mis deux chartees qu'il m'a promis bailler, & payerons les charges moitié par moitié, comme decimes cartieres & maneuures & autres charges. Et si on fait l'afferme de ladite cure: Je promets comme Curé, la faire en ce que ledit sieur me doit auouer comme il m'a promis: Et si la ferme se fait, il retirera argent des pailles à l'estimation d'experts nommez par ledit sieur, & moy soubz signé prendray la moitié de la ferme. Fait ledit iour & an que dessus, es presences de maistres Colin Benoist curé du Pout, & Pierre Louberes aussi Prestre. Aussi me baille la maison Presbiterale avec les fruiçts qui sont à present. Je promets aussi faire audit sieur procuration quand il luy plaira & à sa premiere sommation. Cest acte escript, & signé dudit Deffons, & des tesmoings, lequel Deffons la recogneu le 5. May ensuiuant prend possession du benefice, tesmoin à ce Colin Benoist, le mesme tesmoin de la promesse.*

Ceste conuention a esté effectuee en tous ses points pendant vingt trois annees mesmes de l'annee 1589. le 28. Octobre, que Deffons passa procuration à Eymeri Dufault fils du sieur de Ferrois pour resigner es mains du Pape ladite cure au proffit laissant du blanc pour le remplir, ou es mains de l'ordinaire, estants tesmoins aussi Colin Benoist & deux autres icelle procuration est passée en la maison de Ferrois, & est mesme celuy Benoist tesmoing ordinaire qui monstre qu'il n'y a point de force.

En l'annee 1600. monsieur le Cardinal de Sourdis ayant eu aduis de la mauuaise vie dudit Deffons, de ladite conuention simoniacle & des grandes meschansetez & frequemment commises par luy dont il y a multitudes d'informations. Permet que maistre Iacques Donseau impetreladite cure. Lequel ayant intenté l'instance de complainte par deuant le Seneschal de Guyenne fit interroger Deffons sur le faiçt de ladite conuention, & partage des fruiçts avec le feu sieur de Ferrois, sa veufue & enfans. Il desnie ce faiçt apres son serment solemnel, qui le rend incapable & faulsaire conuaincu par sa propre confession.





En l'annee 1606. Cheyron est pourueu de ladite cure par le Pape, *iure deuoluto*, & institué par monsieur le Cardinal de Sourdis. Il forme sa cōplainte pardeuant le Conseruateur des priuileges de Bourdeaux, où Deffons ne rend aucune defense, que par vn appel d'vn appoinctement releué au Parlement dudit lieu. La cause reglee, Deffons auroit dit auoir esté absoubz de ladite simonnie, & remis au benefice par monsieur le Cardinal de Sourdis: pour preuue produit vne copie imprimee à Bourdeaux d'vn pretendu rescript du Cardinal sainte Seuerine grand Penitencier, & l'vn des inquisiteurs generaulx, donné à Rome en la congregation de l'inquisition le 11. Aueil 1601, cōtenant certaines facultez à monsieur le Cardinal de Sourdis, & vne pretendue reabilitation dudit sieur Cardinal de Sourdis du 10. Aoult 1601. Toutesfois Deffons ne voulant subir iugement au Parlement, faict euoquer le procez au Conseil, pendant celitige il est informé à la requeste du procureur Fiscal, allencōtre de Deffons, pour raison d'aucuns excez & desdites simonies & confidence de procez faict. Par sentence de l'Official il est destitué & déclaré incapable de benefices & de l'exercice des ordres, de laquelle sentence Deffons s'est rendu appellant comme d'abus, & demande la cassation de ses procedures, ce qui ne regarde ledit Cheyron, que pour se seruir de ladite sentence.

Au principal Deffons dit, qu'il a esté forcé de faire ladite promesse, le mesme iour qu'il fit de la procuratiō *ad resignandum*, qui fut le 28. Octobre 1589. laquelle promesse il fut contrainct antidater. du 11. Aueil 1585. Et qu'il est reabilité par monsieur le Cardinal de Sourdis en consequence du pouuoir qu'il a eu de sa Saincteté.

Cheyron respond que ce fait de force est supposé. La cure de Cursā & la maison de Ferrois sont en terres du Roy à vn quart de lieue de la ville de creon, & à deux lieues de Bourdeaux siege de la Iustice du païs. Ladite conuention est escripte & signee dudit Deffons. Les parolles & texte d'icelle ne marquent vn homme violenté, & est tesmoignee par Colin ou Nicolas Benoist curé du Pout sien voisin, tesmoing aussi à la prinse de possession du 5. May 1585. & procuration *ad resignandum* du 28. Octobre 1589. S'il dit estre commis violence enuers le Notaire & quatre personnes, sçauoir Benoist, & Louberes prestres tesmoins à la promesse, & encor ledit Benoist, Iean Deuierre praticien à Cursan, & Siluain Dupuy escolier tesmoins à la procuration *ad resignandum* qu'elqu'vn d'eux s'en fut plaint, comme aussi Deffons s'en eust fait releuer, mais cela n'est aduenue en 23. annees, pendant lequel temps Deffons a conuersé familièrement avec ledit feu Ferrois & ses enfans, beuuant, mangeant, iouant & allant à la chasse avec eux. Deffons dit auoir reuoké la procuration *ad resignandum* dès le 29. Octobre 1589. & produit certain acte faulx, fait depuis le procez, & le soubçon de faulseté dudit acte vient qu'il n'est signifié au dattaire à Rome à l'ordinaire, ny a partie. Et n'eust obmis le dire lors qu'il fut interrogé au procez de Donseau, où il



se monstra parjure ainsi que la suite fait voir.

Quand au pouuoir de monsieur le Cardinal il est donné par le grand Penitencier, & non par le Pape. Le rescript contient certaines facultez qu'ont les Legatz à lateré. Mais n'estant publié & enregistré au parlement de Bourdeaux suiuant la coustume du Roiaume; moins insinué au greffe des insinuations Ecclesiastiques suiuant l'ordonnance de l'an 1553. ne peut auoir effect sinon, *pie credendo in foro conscientiae*, & pour remettre la coulpe & non la peine qui est la priuation du benefice. Dauantage, l'absolution; de simonie, prohibée de Dieu, & de l'Eglise, est reseruée au Pape qui donnant le pouuoir aux Legatz a Lateré ou grand Penitencier ne le peuuent subdeleguer.

Pour le regard de la pretendue reabilitation & prouision de ladite cure elle est suspecte d'antidatte. Nayât esté insinues au greffe des insinuations Ecclesiastiques ni de l'Officialité dés l'année 1601. & n'ayât ledit, Deffons de nouveau prins possession. Elle est aussi Obreptice & la relligion de M. le Cardinal de Sourdis a esté surprinte en ce qu'ayant Deffons faucemét exposé auoir esté forcé à faire ladiète promesse demande l'absolution & nouuelle collation de la cure il y a fait inserer telle clause. *Authoritate sedis Apostolica qua tanquā sedis ipsius legatus in tota nostra Diocesi Burdigalensi fungimur prout indulto nobis ab eadem sede Apostolica in scriptis cōcesso plenius apparet.* L'indult n'est du Pape mais du grand Penitencier, lequel bien qu'il dise par son rescript quil ait cōmis ceste puisāce à Mr. le Cardinal de Sourdis du mandement du Pape, *viue vocis oraculo. Ex stilo Romanæ Curie Pœnitentiario creditur*, non en France où les rescriptz de la Sainteté sont receuë seulement, & non ceux de ses officiers & mesme les siens n'y ont point de pouuoir qu'il nayât esté receues par le Roy & ses Cour Souueraines. Et si le Pape eust entendu bailler ce pouuoir cefut esté par bulles expedies en Chancellerie & non à la congregation de l'inquisition, & non sous le seing du grand Penitencier. Ladite reabilitation est nulle en ce que Deffons est absous sans penitence eniointe ny satisfaction par restitution des fruiçts & immediatement apres l'absolution pourueu du benefice. Monsieur le Cardinal de Joyeuse dernier Legat en ce Royaume auoit pouuoir d'absoudre les simoniacles, *beneficijs ipsis prius realiter & cum effectu dimissis & fructibus indebite perceptis, Ecclesijs & locis, vnde profecti erant restitutis vel in pauperes erogatis*. Ce qui est conforme au droit commun & discipline Ecclesiastique, qui ne permet le Simoniacle rentrer au benefice. Le Pape Urbain 1. au canon, *Quicumque causa* 1. q. 5. parlant des Simoniacles dit. *Qui cum paruuli essent cupiditate parentum Ecclesias per pecunias adepti sunt misericordia ibidem esse concedimus*. *Illi vero qui per seipfos cum maioris ætatis essent nefanda cupiditate ducti eas emerunt, si in alijs Ecclesijs canonice voluerint viuere, seruatim proprijs ordinibus pro magna misericordia ibi eos ministrare permittimus: quod si ad alias transferri non potuerint & in eis canonice viuere promiserint minoribus, ordinibus contenti ad sacros ordines non accedant salua tamen in omnibus Apostolicæ sedis, autoritate.*



*Primum enim vel singularem, vel preposituræ locum in emptis Ecclesijs eos habere non patimur cap. ex insinuatione, & cap. sicut litteris de simonia.* Ce que le Concile de Basle Palladium de la Frâce a ordonné particulièrement, ordonnant que les simoniacs *non possunt a tali vitio absolui, nisi Ecclesijs ad quas turpiter assumpti sunt, libere resignauerint, & ad eas obtinendas quas nefario ingressu adepti sunt perpetuo reddatur inhabiles,* Et pour mōstrer la surprinse faite a M. le Cardinal de Sourdis, s'est que puis sa residēce en son diocēze de Bourdeaux remettāt la dicipline Ecclesiastique. Il l'a purgé de simoniacs & confidens qu'il a trouué leur faisant faire le procez, les destituant des benefices sans qu'il en ait dispensé aucun: sachant que cest contre les constitutions Ecclesiastiques & contre le concille prouincial de Bourdeaux tenu en l'année 1583. contre les ordonnāces du Roiaume & arrest des Cours souueraines par lesquelz la punition de simonie est si estroitement recōmandée qu'il est enioint aux Archeuesques, Euesques & Prelatz de n'yser de dissimulation en la recherche de ce crime qui est bien loing d'absoudre les coupables & les conseruer aux benefices.

Et quand la rehabilitation auroit lieu, que non, Deffons n'est absous du parjure faict au proces de Dōzeau, & si est retumbé en son vice continuāt à partager les fruitz de ladite cure avec les enfans dudit sieur de Ferrois & commis autres excès pour raison desquels est interuenue la sentence de l'official.

Finablement ledit Cheyron a preuue par ses escriptures & cōtredits que personne ne peut bailler de nouueau le mesme benefice au simoniaque, & confident que ce seul abus que les conciles & les Papes le deffendent expres, & que tel cas sont par les Papes & l'Eglise reservez aux Papes quant au pardon & absolution. Mais non pas quant a la restitution du benefice que les Papes mesmes ne veulent que le grand Penitencier le puisse luy mesme faire, ny mesme qu'il soit creu quād il dit que les Papes luy en a baillé la puissance.

Et pour a ce espere d'estre maintenu.

*Monsr De la barre*  
*Raporteur*

